



**YANGI O‘ZBEKISTON QONUNCHILIGIDA INSON
HUQUQLARINI SUD ORQALI-HIMOYA QILISHNING
KONSTITUTSIYAVIY ASOSLARI**

Ibragimova Sabrina Olim qizi

**Nizomiy nomidagi TDPU, Milliy g‘oya,
ma’naviyat asoslari va huquq ta’limi yo‘nalishi, 3-bosqich talabasi**

ibragimovaxror350@gmail.com

Annotatsiya: Ushbu maqolada O‘zbekiston Respublikasi qonunchilik tizimida inson huquqlari va erkinliklarini sud orqali himoya etishning Yangi tahrirdagi Konstitutsiyamiz zamirida belgilangan konstitutsiyaviy asoslari haqida so‘z yuritiladi. Inson, uning hayoti va qadr-qimmatini himoya etish davlat organlari, ayniqsa, sud tizimining ustuvor vazifasi sifatida malakatimiz doirasida amalga oshirilayotgan islohotlar xususida fikrlar keltiriladi.

Kalit so‘zlari: Inson huquqlari, erkinlik, sud tizimi, davlat organlari, islohot, konstitutsiyaviy asos.

Аннотация: В данной статье рассматриваются конституционные основы судебной защиты прав и свобод человека в системе законодательства Республики Узбекистан, заложенные в новой редакции нашей Конституции. Охрана человека, его жизни и достоинства рассматривается как приоритетная задача государственных органов, особенно судебной системы. Также приведены размышления о проводимых в нашей стране реформах в этой сфере.

Ключевые слова: права человека, свобода, судебная система, государственные органы, реформа, конституционная основа.



Annotation: This article discusses the constitutional foundations of judicial protection of human rights and freedoms within the legal system of the Republic of Uzbekistan, as outlined in the newly revised Constitution. The protection of the individual, their life and dignity is regarded as a top priority of state bodies, particularly the judiciary. The article also presents reflections on the reforms being carried out in this area within our country.

Keywords: human rights, freedom, judicial system, government agencies, reform, constitutional framework.

Jadal sur'atlar bilan rivojlanib borayotgan davrda inson huquqlari va erkinliklari, uning kafolatlarini ta'minlash, barcha islohotlarning zamirida inson manfaatlarining ko'zlanishi g'oyat katta ahamiyat kasb etmoqda. Bugungi texnika va texnologiyalar asrida inson sha'ni, qadr-qimmatini va uning huquqlarini har jabhada himoya qilishning samarali mexanizmlari ishlab chiqilmoqda. Inson eng oliy qadriyat darajasida ulug'lanishi ham uning konstitutsiyaviy jihatdan mustahkamlanishi bilan chambarchas bog'liqdir. 2022-yil 26-yanvardagi Prezidentimiz tashabbusi bilan qabul qilingan "2022-2026-yillarga mo'ljallangan Yangi O'zbekistonning taraqqiyot strategiyasi"ning dastlabki ustuvor yo'nalishi ham aynan inson qadrini yuksaltirishga qaratilgandir.

Jahonning yetakchi davlatlari qatorida bugungi kunda o'zining siyosiy-huquqiy, ma'naviy-ma'rifiy, iqtisodiy va har jabhada kundan kunga rivojlanib borayotgan Yangi O'zbekistonda demokratik islohotlar yanada avj olmoqda, insonparvarlik prinsiplari ilgari surilmoqda. Inson, uning manfaatlarini eng ustuvor vazifa sifatida ko'rilmog'da. Buni 2023-yil 30-aprelda umumxalq referendumida asosida qabul qilingan Yangi tahrirdagi Konstitutsiyamizda: "O'zbekiston



Respublikasida demokratiya umuminsoniy prinsiplarga asoslanadi, unga ko‘ra inson, uning hayoti, erkinligi, sha‘ni, qadr -qimmat va boshqa daxlsiz huquqlari oliy qadriyat hisoblanadi¹—deya belgilanishi orqali ham bilishimiz mumkin. Mamlakatimizda inson huquq va erkinliklarini davlat va davlat organlari orqali himoya etishning "inson—jamiyat—davlat" tizimi joriy etildi. Bularning barchasi inson, uning hayoti va qadr-qimmatini himoya etish va har tomonlama qulay shart-sharoitlar yaratishga qaratilgan.

Xususan, O‘zbekiston Respublikasi qonunchilik tizimida inson manfaatlari, huquq va erkinliklarini sud organlari orqali himoya etish tizimining yanada takomillashtirilmoqda. Jumladan, inson huquq va erkinliklarini ta‘minlashda sud organlari tizimining yanada ochiqligi, xalqchilligi va shaffofligini ta‘minlash maqsadida " Elektron odil sudlov" tizimi joriy etildi² aholi o‘z huquqlariga oid ma‘lumotlarni tez va oson, qulay usulda olish uchun Advice.uz saytining imkoniyatlari yanada kengaytirildi.

Yangi tahrirdagi Konstitutsiyamizga ko‘ra, aybdor shaxs o‘zining haq-huquqlarini himoya etishi uchun barcha imkoniyatlar yaratilishi zarur. Hech bir fuqaro sud hukmisiz 48 soatdan ortiq muddatda hibsdan saqlanishi mumkin emasligi belgilangan va aybsizlik prezumpsiyasining bugungi kunda amaliyotga tatbiq etilganligi bu boradagi ishlar ko‘lamini yangi bosqichga ko‘tardi. Ilk marotaba insonlarning huquq va erkinliklarini cheklash bilan bog‘liq barcha harakatlarga faqat qonunga muvofiq va sud qarori asosida yo‘l qo‘yilishi, AQSh fuqarolarni himoya etish tizimidagi " Miranda qoidasi" zamirida gumonlanuvchi yoki ayblanuvchi shaxslarga "sukut saqlash" huquqining berilishi ham shular jumlasidandir. Bu

¹ " Yangi tahrirdagi O‘zbekiston Respublikasi Konstitutsiyasi". 30.04.2023-yil. 13-modda.

² O‘zbekiston Respublikasi Prezidenti Qarori. "Sudlar faoliyatiga zamonaviy axborot-kommunikatsiya texnologiyalarini yanada kengroq joriy etish chora-tadbirlari to‘g‘risida". 30.08.2017-yil. PQ-3250-son.



borada Prezidentimiz Sh.M.Mirziyoyevning: “Sud binosiga kelgan har bir inson O‘zbekistonda adolat borligiga ishonib chiqib ketishi kerak. Bu Prezident talabi³”,—deya ta’kidlashlari ham inson huquqlarini himoya qilishda sud organlarning rolini yanada kuchaytirish borasida keng ko‘lamli ishlar amalga oshirilayotganligini ifodalasidir.

Yurtimizda sud- huquq tizimida "Xabeas korpus" institutining faoliyat doirasi kengaytirilganligi, qamoqqa olish tarzidagi ehtiyot chorasini qo‘llash

yoki qamoqda saqlash muddatini uzaytirish uchun sanksiya berish vakolatining sudlarga o‘tkazilishi inson huquqlari tizimining sud orqali himoya qilishning mazmunini bir muncha ochib berdi, desak, adashmaymiz. Shu ma’noda, mamlakatimiz aholisining mol-mulk, sog‘liqni saqlash va har

tomonlama huquqlarini qo‘llab-quvvatlash, ularning poymol etilishiga yo‘l qo‘ymaslik, bola huquqlari, ayollar huquqlarining har qanday ko‘rinishlarini kafolatlash sud organlari tizimining ustuvor vazifasidir. O‘zbekiston Respublikasi Konstitutsiyaviy sudi davlat organlari, ayniqsa, sudlar tomonidan Yangi tahrirdagi Konstitutsiyamizni bevosita qo‘llagan holda qarorlar qabul qilish amaliyotini har tomonlama qo‘llab-quvvatlashi⁴ so‘zimizning isbotidir.

Bugungi kunda o‘tgan davr nuqtayi nazaridan xolisona fikr yuritadigan bo‘lsak, fuqarolarimiz endilikda sudya va advokatlar timsolida o‘z sha’ning, qadr-u qimmatining posponlarini, mustahkam himoyachilarini ko‘z oldiga keltirmoqda. O‘zbekiston Respublikasi Prezidentining “Odil sudlovga erishish imkoniyatlarini yanada kengaytirish va sudlar faoliyati samaradorligini oshirishga doir qo‘shimcha chora-tadbirlar to‘g‘risidagi” farmoniga muvofiq globallashtirish sharoitida eng ko‘p

³ “Prezident—odil sudlov, korrupsiya, xususiy mulk himoyasi to‘g‘risida”.30.06.2020.

URL: <https://www.gazeta.uz/oz/2020/06/30/justice/>

⁴ O‘zbekiston Respublikasi Konstitutsiyaviy sudining qarori." O‘zbekiston Respublikasi Konstitutsiyaviy sudi—mamlakatdagi konstitutsiyaviy qonuniylikning holati to‘g‘risidagi axborotini tasdiqlash haqidagi". KSQ-7-son. 05.12.2023.



kuzatilayotgan va aholi o'rtasida turli xil qarashlarga sabab bo'layotgan "axborot xurujlariga tezkor munosabat bildirish"⁵ ham sud organlari zimmasiga yuklatildi. Avvalgi davrdan farqli ravishda mamlakatimizning har bir hududi, har bir shtat birliklarida sudlar tashkillashtirildi. O'lis manzillardagi aholimiz o'z huquqlarini himoya etish uchun endilikda uzoq masofadan kelishlari shart emas.

O'zbekiston Respublikasi qonunchilik tizimida tili, dini, irqi, millati, ijtimoiy kelib chiqishidan qat'iy nazar har bir shaxsning qadr-u qimmatini qonunan himoyalangan. Jumladan, davlat hokimiyatining uchinchi tarkibiy qismi sanalmish sud tizimida davlat lavozimlari, xususan, sudyalik lavozimi belgilanishida ham xalqaro gender tenglik masalasi ustuvor jihatlardan biri sifatida ko'zga tashlanadi. Ya'ni, xotin-qizlarning huquqlari insonparvarlik tamoyillariga mutanosib tarzda ushbu sohada ham kafolatlangan. Bundan tashqari, aholi uchun qulaylik yaratish uchun sud tizimi zamon bilan hamnafas tarzda raqamlashtirilmoqda, bu esa har xil qonunga xilof holatlarning kelib chiqishiga to'sqinlik qilmoqda.

o'rnida aytish kerakki, bugungi kunda adolat qo'rg'oniga aylanib borayotgan sud organlari va ularning tizimlari faoliyatida inson qadri, uning huquqlarini himoya etish eng yetakchi vazifa sifatida belgilab qo'yildi. Buning asosi esa Yangi O'zbekistonning yangi tahrirdagi Konstitutsiyasida, Prezidentimiz tashabbusi bilan qabul qilinayotgan qaror va farmoyishlarda mustahkamlab qo'yilmoqda. Har bir huquqiy asos, yuridik fakt inson manfaatlariga xizmat qilishi ko'zda tutilgan. Zero, insonni inson ekanligi uchun ulug'lash, uning hayoti, erkinligi, sha'ni va qadr-qimmatini har tomonlama himoya etish har bir demokratik davlatning eng asosiy belgisidir.

⁵ O'zbekiston Respublikasi Prezidenti Farmoni. "Odil sudlovga erishish imkoniyatlarini yanada kengaytirish va sudlar faoliyati samaradorligini oshirishga doir qo'shimcha chora-tadbirlar to'g'risidagi". PF-11-son. 16.01.2023-yil.



FOYDALANILGAN ADABIYOTLAR RO‘YXATI:

1. “ Yangi tahrirdagi O‘zbekiston Respublikasi Konstitutsiyasi”.
30.04.2023. URL: <https://lex.uz/docs/-6445145>
2. O‘zbekiston Respublikasi Prezidentining Farmoni.”Inson huquqlari bo‘yicha O‘zbekiston Respublikasi Milliy strategiyasini tasdiqlash to‘g‘risidagi.” PF-6012-son qarori. 22.06.2020. URL: <https://lex.uz/docs/4872355?ONDATE2=30.04.2021&action=compare>
3. "Prezident—odil sudlov, korrupsiya, xususiy mulk himoyasi to‘g‘risida".
30.06.2020. URL: <https://www.gazeta.uz/oz/2020/06/30/justice/>
5. O‘zbekiston Respublikasi Konstitutsiyaviy sudining qarori. " O‘zbekiston Respublikasi Konstitutsiyaviy sudi—mamlakatdagi konstitutsiyaviy qonuniylikning holati to‘g‘risidagi axborotini tasdiqlash haqidagi". KSQ-7son. 05.12.2023.
6. "Sud-huquq sohasidagi islohotlar inson qadriga qaratilgan". Sh. To‘xtashev. Oliy Majlis Qonunchilik palatasi Korrupsiyaga qarshi kurashish va sud-huquq masalalari qo‘mitasi a‘zosi.13.06.2023. URL: <https://parliament.gov.uz/articles/1554>
7. O‘zbekiston Respublikasi Prezidenti Qarori. “Sudlar faoliyatiga zamonaviy axborot-kommunikatsiya texnologiyalarini yanada kengroq joriy etish chora-tadbirlari to‘g‘risida”. 30.08.2017-yil. PQ-3250-son.
8. O‘zbekiston Respublikasi Prezidenti Farmoni. “ Odil sudlovga erishish imkoniyatlarini yanada kengaytirish va sudlar faoliyati samaradorligini oshirishga doir qo‘shimcha chora-tadbirlar to‘g‘risidagi”. PF-11-son. 16.01.2023-yil.